

wann wir in Krafft vnd in Nammen der heiligen Dreyfaltigkeit von dannen ziehen / sollen wir ein jeden / mit einem jeden sich mit dem End der Gesellschaft verbinden / vnd des Kopffs vnder vns seyn / oder den Sinn vnd fürsaz vnder einander haben / daß wir niemandts oder keinen Menschen dise Geheimnussen offenbaren / noch gewalt geben gemelter Experimenten / welliche Pflicht ein jeder vollkommenlichen heilig vnd ohn falschheit halten / fleiß ankeren soll. Vnd dises höchste / vnd letzte der Experimenten befehllich einen jeden vnter euch vor den andren Experimenten / dz der Engel des Herren ewere Herzen leite / dise heimliche ding / vnd sachen der Natur zuuerbergen / dasselbig sollet ihr fürnemblich zueignen der Heiligen Kirchen / ihr damit zu dienen / vnd den Armen hilfflich zu seyn. Ir sollet euch auch hierinnen vor allen dingen fürsehen / daß euch der Teuffel nit beseits führe ab d' rechten Ban ewerer verheissung / dann er gehet omb vns ombher / wie ein brülender Löw / vnd der wegen so sind Flug wie die Schlangen / das euch diser Versucher nicht in die irrige weg abweise / dann also wirdts darzu kommen / das Jesus Christus der eingeborne Son Gottes vns allzeit erhalten / vnd behüten wirt / in welches Nammen dis gegenwürtig kleine Büchlin mit einem seeligen End soll beschlossen werden / im Jar des Herren 1330.

Das Büchlein von der natürlichen Philo-
sophen der Metallen / des Edlen vnd Hoch-
gelehrten Herren Dionisij Za-
charij Galli.

DS haben mehrertheils der alten Weisen vñ natürliche Meister / so vil ihrer / vñ diser Göttliche vnd Himmlichen Kunst geschrieben / sich immer beflissen / auff das verborgenest daruon zuhandlen / dardurch alle Gottlosigkeit zu verhüten: Nach dē der geliebte Leser / den rechten verstand / aller widersprechung / Figuren / Gleichnussen / auch vieler anderer Käterschen / deren ihre

y Bücher